

Великая Ектения

Миром Господу помолимся.

○ свышнем мире и спасении душ наших Господу помолимся.

○ мире всего мира, благостоянии Святых Божиих Церквей и соединении всех Господу помолимся.

○ святем храме сем и с верою, благоговением и страхом Божиим входящих в онь Господу помолимся.

○ блаженицим патриарсе Феофиле, о великом господине и отце нашем святейшем патриарсе Кирииле, о господине нашем высокопреосвященнейшем митрополите Николае, первоиерарсе русския зарубежняя церкви, и господине нашем (высоко)преосвященнейшем *(архиепископ, или епископ, егоже област)*, и о *всечестнем отце нашем священно-архимандрите Романе*, честнем пресвитерстве, во Христе диаконстве, о всем причте и людех Господу помолимся.

○ богохранимей стране россиистой, властех и воинстве ея Господу помолимся.

○ стране сей, верою и благочестием живущих в ней, Господу Помолимся.

○ еже избавити люди своя от враг видимых и невидимых, в нас же утвердити, единомыслие, братолюбие и благочестие, Господу помолимся.

○ святем граде сем и о святей обители сей, *(или веси сей)* всяком граде, стране, и верою живущих в них, Господу Помолимся.

○ благорастворении воздушных, о изобилии плодов земных и временех мирных Господу помолимся.

○ плавающих, путешествующих, недугующих, страждущих, плененных и о спасении их Господу помолимся.

○ всечестней настоятельнице святяя обители сея игумени *(Елизавете или Варваре)*, яже о Христе с сестрами ея, Господу Помолимся.

○ избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Препоблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Сугубая Ектения

Рцем вси от вся души и от всего помышления
нашего рцем

Господи Вседержителю, Боже отец наших, молим Ти
ся, услыши и помилуй

Помилуй нас, Боже, по велицей милости Твоей,
молим Ти ся, услыши и помилуй

Еще молимся о блаженным патриарсе Феофиле, о
великом господине и отце нашем святейшем
патриарсе Кирииле, о господине нашем
высокопреосвященнейшем митрополите Николае,
первоиерарсе русския зарубежныя церкви, о
господине нашем (высоко) преосвященнейшем
(архиепископ или епископ, евоже област), и о
всечестнем отце нашем священно-архимандрите
Романе, и всей во Христе братий нашей

Еще молимся о богохранимем стране россиистей,
властех и воинстве ея

Еще молимся о стране сей, верою и благочестием
живущих в ней

Еще молимся о еже избавити люди своя от враг
видимых и невидимых, в нас же утвердити,
единомыслие, братолюбие и благочестие

Еще молимся о всечестней настоятельнице святыя
обители сея игумени *(Елизавете или Варваре)*, яже о
Христе с сестрами ея

Еще молимся о братиях наших, священниках,
священномонасах и всем во Христе братстве нашем

Еще молимся о блаженных и приснопамятных
святейших патриарсах православных и создателях
святаго храма сего *(или создателях святыя обители
сея)*, и о всех прежде почивших отцев и братиях, zde
лежащих и повсюду, православных

Еще молимся о милости, жизни, мире, здравии,
спасении, посещении, прощении и оставлении
грехов рабов Божиих, **сестер** святыя обители сея

Еще молимся о плодоносящих и добродееющих во
святем и всечестнем храме сем, труждающихся,
поющих и предстоящих людех, ожидающих от Тебе
великия и богатая милости